

Slotsholmsgade 10  
1216 København K.

T +45 7226 8400  
F +45 3393 3510

[www.justitsministeriet.dk](http://www.justitsministeriet.dk)  
jm@jm.dk

## **MISSINGIUT**

Inatsisinik atuutsitsillutik oqartussat inunnut  
paasissutissanik suliarinnitarerat pillugu inatsisip  
Kalaallit Nunaannut atuutilersinneqarnera pillugu  
peqqussut

UAGUT MARGRETHE APPAAT, Guutip saammaassineratigut Danmarkip Dronningia  
matuminnga tamanut nalunaarpugut:

Inatsisinik atuutsitsillutik oqartussat inunnut paasissutissanik suliarinnitarerat pillugu inatsimmi nr. 410, 27. april 2017-imeersumi § 56<sup>1</sup>, inatsisinik atuutsitsillutik oqartussat inunnut paasissutissanik suliarinnitarerat pillugu inatsimmik allannguineq pillugu inatsimmi nr. 503, 23. maj 2018-imeersumi § 33, imm. 2<sup>2</sup>, nutaarsiassaqartitsiviit tamanut annguttartut (massemedie) qarasaasiakkut paasissutissaasivii (informationsdatabase) pilligit inatsit aamma inatsisit allat (Paasissutissat illersorneqartarnerat pillugu inatsisip aamma paasissutissat illersorneqartarnerat pillugu peqqussutip kiisalu tamanit iserfigineqarsinnaasuni qarasaasiakkut paasissutissaasiveqarfinni nutaarsiassaqartitsiviit akisussaaffii pilligit inatsimmik atuinerup malitsigisaanik kinguneritinneqartut allanngorneri il.il.), aamma tv-kkut nakkutilliineq pillugu inatsimmi nr. 506, 23. maj 2018-imeersumi § 4, imm. 2<sup>3</sup> aamma Inatsisinik atuutsitsillutik oqartussat inunnut paasissutissanik suliarinnitarerat pillugu inatsit (Tv-kkut nakkutilliineq, pinerluttuusorineqartunik tv-kkut nakkutilliinermiit assilisanik- aamma nipinik immiussanik inuussutissarsiortut akornanni avitseqatigiissinnaanermut periarfissamut atatillugu inunnut paasissutissanik suliarinnitarneq pillugu maleruagassanik atueqqinnej (ingerlatitseqqiineq) il.il.) malillugit, inatsit tulliuttutut allagaalluni Kalaallit Nunaannut atutissasoq, aalajangiunneqarpoq:

# Immikkoortoq I

*Aallaqqasiutitut aalajangersakkat*

## Kapitali 1

*Inatsimmik susassaqarfitt*

§ 1. Politiit, unnerluussisussaatitaasut, ilaatillugit sakkutooqarnikkut unnerluussisussaatitaasut eqqartuussinermilu aqutsisut, pinerluttunik isumaginnittut, tamakkiisumik imaluunniit ilaannakortumik qarasaasiakkut isumamineertumik ingerlasumik Politiit Naammagittaalliuutigineqarnerannut Oqartussat Arlaannaannulluunniit Attuumassuteqanngitsut aamma eqqartuussiveqarfiiit, inunnut paassisutissanik suliarinnittarnerannut, aamma pitsaaliuineq, paasiniaaneq (politiinit), qulaajaaneq imaluunniit pinerlunnergik inatsisitigut akisussaatitaanermik malitseqarsinnaasunik iliuutsinik eqqartuussisulersuussineq siunertaralugu, imaluunniit pinerluttulerinermut inatsit malillugu iliuusissanik naammassinninnernik, ilaatillugu tamat isumannaatsuutinneqarnerannut navianartunut pitsaaliuiniarluni imaluunniit illersuiniarluni suliarinninneq suliarineqarpat, nalunaarsuivimmiittunik imaluunniit nalunaarsuivimmiilersussanik allatut isumamineertuunngitsumik inunnut paassisutissanik suliarinnittarernut, inatsit atuuppoq.

*Imm.* 2. Politiinut aamma illersornissaqarfip paasiniaasartuinut imaluunniit politiinit aamma illersornissaqarfip paasiniaasartuinut suliarineqartut inunnut paassisutissanik suliarinninnernut inatsit atuutinngilaq.

*Imm.* 3. (Kalaallit Nunaanni atuutilersinneqassanngilaq)

§ 2. Inunnut paassisutissanik suliarinninneq pillugu inatsisini allani malederuagassat, nalunaarsugaasumik inatsisitigut pitsaanerusumik

inissisimalersitsisut, matumani inatsimmi maleruagassanit  
salliuutinneqassapput.

## Kapitali 2

### *Isumasiuutit*

#### **§ 3. Inatsimmi matumani tulliuttut ima paasineqassapput:**

- 1) Inunnut paassisutissat: Inuk (nalunaarsugaasoq) kinaassusersisaq imaluunniit kinaassusersineqarsinnaasoq pillugu paassisutissat suulluunniit.
- 2) Suliarinnineq: Sunaluunniit suliaq imaluunniit suliat malitsigiittut suliarinnissutnik isumamineertunik atortoqarluni imaluunniit atortoqarani, inunnut paassisutissanik imaluunniit kattusimasunik inunnut paassisutissanik sulianut ilaqaqtitsineq.
- 3) Suliarinninnermik killilersuineq: Paassisutissanik tamakkuningga siunissamik suliarinninnissap killilersornissaai siunertaralugu toqqortaatigineqartunik inunnut paassisutissanik nalunaaqutsersuineq.
- 4) Kinaassusiliorneq: Inuk piviusoq pillugu inuttut pissutsit aalajangersimasut nalilernissaannut inunnut paassisutissanik atuinermik imaqartoq, sunaluunniit inunnut paassisutissanik isumamineertumik suliarinninneq.
- 5) Nalunaarsuiffik: qitiusumik imaluunniit avinngarusimasumik imaluunniit atornissaai naapertorlugu agguagaasumik imaluunniit nunap pissusaa tunngavigalugu tamanna katitigaq inissitaasinnaasoq, piumasqaatit aalajangersimasut malillugit pissarsiarineqarsinnaasut inunnut paassisutissat ilusilimmik katitikkat suulluunniit.

- 6) Oqartussaasut piginnaatitaasut: Pitsaliuineq, paasiniaaneq (politiinit), qulaajaaneq imaluunniit pinerlunnermik inatsisitigut akisussaatitaanermik malitseqarsinnaasunik iliuutsinik eqqartuussisulersuussineq siunertaralugu, imaluunniit pinerluttulerinermut inatsit malillugu iliuusissanik naammassinninnernik, ilaattilugu tamat isumannaatsuutinneqarnerannut navianartunut pitsaliuiniarluni imaluunniit illersuiniarluni naalagaaffimmik inatsisit naapertorlugit pisortatigoortumik oqartussaassuseqarnissamut aamma pisortatigoortumik piginnaatitaanissamut piginnaatitaasoq sunaluunniit pisortani oqartussaaffik imaluunniit alla immikkoortortaqarfik imaluunniit ataatsimoortoq alla. Kalaallit Nunaanni oqartussaasut piginnaatitaasut tassaapput politiit, unnerluussisussaatitaasut, ilaattilugit sakkutooqarnikkut unnerluussisussaatitaasut eqqartuussinermilu aqutsisut, pinerluuteqarsimasunik isumaginnittut, Politiit Naammagittaalliuutigineqarnerannut Oqartussat Arlaannaannulluunniit Attuumassuteqanngitsut (Den Uafhængige Politiklagemyndighed) aamma eqqartuussiveqarfiit.
- 7) Qarasaasiami paassisutissanut akisussaasoq: Oqartussaasoq piginnaatitaasoq, inunnut paassisutissanik suut atortoralugit sunalu siunertaralugu suliarinninnissamut kisimiilluni imaluunniit allanik ilaqluni aalajangiisinnaasoq.
- 8) Qarasaasiami paassisutissanik suliarinnittartoq: Inuk imaluunniit inatsisitigut akisussaasoq, pisortani oqartussaaffik, pisortani suliffeqarfik imaluunniit immikkoortortaqarfik alla, qarasaasiami paassisutissanut akisussaasoq sinnerlugu inunnut paassisutissanik suliarinnittartoq.
- 9) Tigisisussaq: inunnut paassisutissanik ingerlatitseqqiivigineqartoq inuk imaluunniit inatsisitigut akisussaasoq, pisortani oqartussaaffik, pisortani suliffeqarfik imaluunniit immikkoortortaqarfik alla, taamaalilluni tigisisup tamatuma kingorna namminerisaminik, peqatigiit avataaniittuugaluaruni imaluunniit avataaniittuunngikkuni, suna siunertaralugu suullu atorlugit paassisutissat imminut

ingerlateqqinneqartut sussanerlugit aalajangissallugu. Oqartussaasut, immikkuullarissumik apeqquteqaateqarnikkut inunnut paasissutissanik nalunaarfigineqarsinnaasut, tigusisussatut isigineqanngillat.

- 10) Inunnut paasissutissanut isumannaallisaanermik unioqqutitsineq: sunaluunniit isumannaallisaanermut unioqqutitsineq peratarsinnaasumik imaluunniit inatsisaatsuliornikkut suujunnaarsitsineq, peratarsinnaasumik imaluunniit inatsisaatsuliornikkut annasaqarneq, peratarsinnaasumik imaluunniit inatsisaatsuliornikkut allannguineq imaluunniit inunnut paasissutissanik nassiussuunneqareersunik, toqqorneqareersunik allatulluunniit passunneqareersunik pisinnaatitaaffiginagu ingerlatitseqqiineq imaluunniit pissarsisinnaaneq.
- 11) Inuup sananeqaataanik paasissutissat (Genetiske data): Inuup kingornussimasai imaluunniit pissarsiarisimasai sananeqaatitut ilisarnaatit pillugit inuk pillugu paasissutissat, paatsuugassaanngitsumik inuup pineqartup timaanik imaluunniit peqqissusianik paasissutissiisut, aamma pingaartumik inummik pineqartumik uumassusilerituussutsikkut misissugassatut tigusamik misissueqqissaarnerup kingorna saqqumisut paasissutissat.
- 12) Timikkut ilisarnaatinik paasissutissat (Biometriske data): Assersuutigalugu kiinaata assinganik imaluunniit inuaasa ipaannik paasissutissanik inuup pineqartup paatsuugassaanngitsumik kinaassusersinissaata periarfissiuunnissaanut imaluunniit uppernarsinissaanut timikkut imaluunnit pissusilersornerata imaluunniit timikkut sananeqaatikkut imaluunniit isikkorisakkut ilisarnaatai pillugit teknikkikkut immikkut ittumik passunneqarnerata malitsigisaanik inuk pillugu paasissutissat.
- 13) Peqqissutsimik paasissutissat: ilaatillugu, pineqartup peqqissussaanik paasissutissiisumik peqqissaatinik tunniussineq, inuup timikkut imaluunniit eqqarsartaatsikkut peqqissusaa pillugu, inuk pillugu paasissutissat.
- 14) Nunanut tamalaanut kattuffik (International Organisation): Inatsisitigut inuiannut kattuffik aamma suleqatigiiffiit, kattuffiup imaattup

ataaniittut, aamma suleqatigiiffimmut sumulluunniit, nunat marluk, amerlanerusulluunniit akornanni isumaqatigiinnermik inatsisitigut tunngavilerlugu pilersitaq.

## Immikkoortoq II

### Suliarinninnissamut maleruagassat

#### Kapitali 3

##### *Paasissutissanik suliarinninneq*

**§ 4.** Paasissutissanik suliarinninnermut ileqqut pitsasut aammalu paasissutissat suussusaat eqqarsaatigineqarnerat naapertorlugit paasissutissat passunneqartassapput.

*Imm. 2.* Paasissutissanik katersuineq, § 1, imm. 1-imut ilaatinneqartunut erseqqissumik taasanut aamma suliamut tunngasunut siunertanut pisassaaq, kingusinnerusukkullu suliarinninneq siunertanut taakkununnga katigunneqarsinnaassalluni, taamaattoq tak. § 5.

*Imm. 3.* Paasissutissat passunneqartut, suliamut tunngasuussapput naammassallutillu aamma paasissutissat ketersorneqarnerannut, aamma siunertanut, paasissutissat kingusinnerusukkut passunneqarfissaannut siunertat naammassinissaannut piumasaqaataasunik annertunerusunik ilaqqassanatik.

*Imm. 4.* Paasissutissat passunneqartut, eqqortuussapput aamma pisariaqartillugu ilassutinut malinnaasitaassallutik. Sumilluunniit naapertuuttumik iliuuseqartoqartassaaq inunnut paasissutissat passunneqarnermut siunertanut naleqqiullugu eqqunngitsut ingerlaannartumik piiarneqartarnissaat imaluunniit iluarsineqartarnissaat qulakkeerniarlugu.

*Imm. 5.* Inunnut paasissutissat eqqunngitsuuppata, ilivitsuunngippata imaluunniit ilassutinut malinnaasinneqarsimangippata,

ingerlateqqinneqartassanngitsut imaluunniit atugassiarineqartassanngitsut qulakkeerniarlugu, qarasaasiami paassisutissanut akisussaasusoq iliusissanik naapertuuttunik aalajangiisassaaq. Tamanna siunertalarlugu qarasaasiami paassisutissanut akisussaasusoq, inunnut paassisutissat ingerlateqqinneqartinnagit imaluunniit atugassiarineqartinnagit sabinngisamik pitsasuunissaannik qulakkeerisassaaq. Paassisutissanik ingerlatitseqqiinermut atatillugu, inunnut paassisutissat eqqortuunersut, ilivitsuunersut aammalu tatigineqarsinnaanersut, aamma qanoq annertutigisumik allanguutinut malinnaasinneqartigisimanersut, tigusisussap oqartussaqarfip naliliinissaanut, sabinngisamik paassisutissanik pisariaqartunik ilassusiisoqartassaaq. Paasineqarpat inunnut paassisutissanik eqqunngitsunik, imaluunniit inunnut paassisutissanik unioqqutitsisumik ingerlatitseqqiisoqarsimasoq, ingerlaannartumik tamanna tigusisussamut nalunaarutigineqassaaq. Taava taamaattoqartillugu paassisutissat iluarsineqassapput imaluunniit piiarneqassapput, imaluunniit suliarinninnej killilerneqassaaq.

*Imm. 6.* Paassisutissat katersorneqarsimasut, paassisutissat passunneqarnerannut siunertaasut eqqarsaatigalugit nalunaarsugaasup kinaassusersinissaanut periarfissiisumik piffissamit pisariaqartumit sivisunerusumik, paaqqutarineqassangillat.

*Imm. 7.* § 27 naapertorlugu kattuffeqarneq eqqarsaatigalugu imaluunniit tulluuttunik teknikkut iliusissanik atuinermi peratarsinnaasut piiaanerit imaluunniit peratarsinnaasoq aseruineq, peratarsinnaasumik annaasaqarnermut aamma akuerisaanngitsumik imaluunniit unioqqutitsisumik suliarinninnermut illersuineq ilaatillugu pineqartunut inunnut paassisutissanut naammattumik isumannaarinissamut qulakkeerisumik periaaseqarluni paassisutissat katersukkat passunneqassapput.

*Imm. 8.* qarasaasiamiittunik paassisutissanut akisussaasusoq imm. 1-7 unioqqutinneqannginnerannut, tamatumalu takuneqarsinnaatinnissaanut akisussaavoq.

**§ 5.** Siullermik katersuinernut tunngaviusunit, § 1, imm. 1-imi eqqaaneqartunit siunertanit allaanerusunut paassisutissanik

kingusinnerusukkut suliarinninneq, suliarineqareersumut malitsigitillugu siunertamut tamatumunnga naleqqiullugu pisariaqarpat aamma inatsimmik tunuliaquataqarluni suliarinninneq suliarineqarpat, tassannga imaluunniit allamit oqartussaqarfimmit piginnaatitaasumit suliarineqarsinnaavoq.

*Imm. 2.* Aammattaaq imm. 1-i malillugu, inuiaqatigiit soqutigisaanni allagaataasivimmut, imaluunniit oqaluttuarisaanermut, naatsorsueqqissaarnermut imaluunniit ilisimatuussutsikkut siunertalinnut paasissutissanik suliarinninneq suliarineqarsinnaavoq.

*Imm. 3.* Qarasaasiами paasissutissanut akisussaasuusup imm. 1 aamma 2 unioqqutinneqannginnissat tamatumalu takutissinnaanissaa akisussaaffigaa.

**§ 6.** Paasissutissanik ingerlatitseqqiisoqarpat, paasissutissanik suliarinninnermut piumasaqaataasinnaasut immikkut ittut pillugit oqartussaasoqarfik piginnaatitaasoq ingerlatitseqqiisoq aalajangersaassaaq aammalu nalunaaruteqassalluni. EU-mi ilaasortaasumi nunami tigusisussamut ingerlatitseqqiineq pillugu pineqartup taamaallaat malitsigisaanik, piumasaqaatinik immikkut ittunik aalajangersaasoqarsinnaanngilaq.

*Imm. 2.* Oqartussaasoqarfimmit piginnaatitaasumit tigusimasanik paasissutissanik suliarinninneq, oqartussaasoqarfimmit piginnaatitaasumit ingerlatitseqqiisumit aalajangersagaasunut piumasaqaatinut immikkut ittunut akerliusumik pissanngilaq.

**§ 7.** Qarasaasiами paasissutissanut akisussaasuusoq inunnut paasissutissanik suliarinninneq ima aaqqissuutissavaa, inunnut paasissutissanik piiaanissamut piffissaliussanik naleqquttunik, imaluunniit paasissutissanik toqqorsivimmut nuussuinissamik pisariaqartitsineq akuttoqatigiissumik misissuisarnissamik aalajangersaasassalluni. Aammattaaq piffissarititaasut unioqqutinneqannginnissaannut periaatsit eqqarsaatigalugit iliussissatigut tamanna qulakkeerneqassaaq.

**§ 8.** Pisariaqarpat qarasaasiами paasissutissanut akisussaasuusoq, inunnut paasissutissat akornanni, nalunaarsugaasut pissusaannik

assigiinngitsunik, periarfissaqartillugu sapinggisamik nalilersuisassaaq, soorlu

- 1) inuit, pinerlunnermik eqqartuussinermut akisussaatitsinermik malitseqarsinnaasumik iliuuseqarsimasutut imaluunniit iliuuseqarniartut annertuumik pissutissaqarluni ilimagineqartut,
- 2) inuit, pinerlunnermik eqqartuussinermut akisussaatitsinermik malitseqarsinnaasumik iliuuseqarsimasutut eqqartuussaasimasut,
- 3) pinerlunnermik eqqartuussinermut akisussaatitsinermik malitseqarsinnaasumik iliuuseqarsimanermut eqqugaasut, imaluunniit inuit, pissutsit piviusut pissutaallutik, pinerlunnermik eqqartuussinermut akisussaatitsinermik malitseqarsinnaasumik iliuutsimut eqqugaasinnaasut, aamma
- 4) pinerlunnermik eqqartuussinermut akisussaatitsinermik malitseqarsinnaasumik iliuutsimut atatillugu peqataasut allat, soorlu inuit, nr. 1-imi aamma 2-mi eqqaaneqartunut inunnut ingerlaqataasut, imaluunniit attaveqaataasut inuit, imaluunniit pinerlunnermik eqqartuussinermut akisussaatitsinermik malitseqarsinnaasunik iliuutsit pillugit paasissutissanik saqqumiussisinnaasut inuit, iliuutsit taamaattut pillugit suliassani tulliuttuni, imaluunniit, pinerlunnermik eqqartuussinermut akisussaatitsinermik malitseqarsinnaasunik iliuutsinut atatillugu pinerluttoqarsimaneranik paasiniaanermi ilisimannittutut qaaqquneqarsinnaasut inuit.

**§ 9.** Ilaatillugu tamat isumannaatsuutinnissaannut siorasaarinernut pitsaliuiniarluni imaluunniit illersuiniarluni, pinerluttulerinermi inatsit malillugu iliuusissanik naammassinninniarluni, imaluunniit, iliuutsinik pitsaliuiniarluni, pinerluttoqarsimatillugu paasiniaaniarluni, qulaajaaniarluni imaluunniit eqqartuussisulersuussiniarluni suliarinninneq pisariaqarpat paasissutissanik suliarinninneq taamaallaat pisinnaavoq.

**§ 10.** Inuup kinguaassiornermut isummertaasia imaluunniit pissutsit inuup kinguaassiutitigut atugai pillugit paasissutissat imaluunnit peqqissutsimut paasissutissaataanik paatsuugassaanngitsumik suussusersinissamut siunertaqarluni ammip qalipaataanik, siuaasat

sumiuussusiinik, politikkikkut isuma pillugu, upperisamik imaluunniit eqqarsaetersortarnermik isummiussineq pillugu, sulisartutut kattuffeqarneq pillugu, sananeqaatikkut, isikkorisamik paasissutissat pillugit inunnut paasissutissanik suliarinnittooqqaanngilaq.

*Imm. 2.* Taamaattoq assut pisariaqartitsisoqarpat, aamma § 1, imm. 1-imi eqqaaneqartut siunertat eqqarsaatigalugit tamanna pippat, ilaatillugit taanna nalunaarsugaasoq imaluunniit inuup pingaartillugit soqtigisai illersorniarlugit, imaluunniit paasissutissat pillugit suliarinninnej erseqqilluinnartumik nalunaarsugaasumit tamanut saqqummiunneqarsimappat, inatsimmi matumani piumasaqaatinik naammassinniutigaluni, imm. 1-imut ilaatinneqartunik paasissutissanik suliarinninnermik suliaqartoqarsinnaavoq.

**§ 11.** Isumamineertumik suliarinninnej tunngavigalugu, ilaatillugu ilisarnaasersuineremi, nalunaarsugaasumut ajortumik inatsisitigut sunniuteqartumik imaluunniit pineqartumut annertuumik sunniisumik aalajangiisoqartarsinnaavoq.

*Imm. 2.* Imm. 1-imut ilaatinneqartunik aalajangiinerni, ilaatillugu minnerpaamik qarasaasiami paasissutissanut akisussaasup tungaaniit inummik akuleruttoqarnissaanut nalunaarsugaasumut pisinnaatitaaffik, nalunaarsugaasup pisinnaatitaaffimmisut soqtigisaasa qulakkeerneqarnissaannut, iliuusissanik naleqquettunik ujaasisoqartassaaq.

**§ 12.** Matuminnga inatsimmik unioqqutitsinernik, nakkutilliinermik oqartussaasunut, allanut oqaatigeqqunngisamik nalunarnermik kajumissaarisunik periaatsinik sunniuteqarluartunik, Oqartussaasoqarfitt piginnaatitaasut atulersitsissapput.

### Immikkoortoq III

#### *Nalunaarsugaasut pisinnaatitaaffii*

#### Kapitali 4

#### *Nalunaarsugaasumut tunniunneqartussat imaluunniit atugassanngortinneqartussat paasissutissat*

**§ 13.** Qarasaasiami paasissutissanut akisussaasup tulliuttut paasissutissat nalunaarsugaasumut atoriaannaatissavai:

- 1) Qarasaasiami paasissutissanut akisussaasup kinaassusaa aamma pissarsiarineqarsinnaaneranut paasissutissat.
- 2) Qarasaasiami paasissutissanut illersuinermik siunnersortip pissarsiarineqarsinnaaneranut paasissutissat aamma nalunaarsugaasumut naleqqiullugu taassuma suliassai pillugit paasissutissat.
- 3) Inunnut paasissutissat atorneqarnissaannut suliarinninnermut siunertaasoq.
- 4) Nakkutilliinermut oqartussaasunut naammagittaallioressimut pisinnaatitaaffik aamma nakkutilliinermut oqartussaasut pissarsiarineqarsinnaaneranut paasissutissat.
- 5) Kapitali 5 aamma 6 malillugit nalunaarsugaasup pisinnaatitaaffii.
- 6) § 40, imm. 1-i, nr. 10 naapertorlugu kapitali manna aamma kapitali 5 aamma 6 malillugit ilangussinnginneq, kinguartitsineq, killiliineq imaluunniit itigartitsineq pillugu oqartussaasut piginnaatitaasut aalajangiinerinut naleqqiullugu nalunaarsugaasup pisinnaatitaaffiinik nakkutilliinermut oqartussaasut atuutsitsisinnissaannut pisinnaatitaaffik.

*Imm. 2.* Nalunaarsugaasup soqtigisaminik isumaginnissinnaanissaas pisariaqarpat, qarasaasiami paasissutissanut akisussaasup minnerpaamik nalunaarsugaasoq tulliuttut pillugit nalunaarfingissavaa:

- 1) Suliarinninnermut inatsisitigut tunngaviusoq.
- 2) Inunnut paasissutissanik inisseeqqanissamut piffissaq, imaluunniit periarfissaqanngippat, piffissap tamatuma aalajangiunnissaanut atugassat piumasaqaatit.
- 3) Ilaatillugit nunat peqatigiit avataaniittuni imaluunniit nunani tamalaani kattuffinni, inunnut paasissutissanik tigisisussaasinnaasut immikkoortiterneri.
- 4) Pisariaqassappat, pingaartumik nalunaarsugaasup sianiginngisaanik inunnut paasissutissat katersorneqarpata, ilassutitut paasissutissat.

**§ 14.** § 13, imm. 2 malillugu nalunaarut, kinguartinneqarsinnaavoq, killilerneqarsinnaavoq imaluunniit ilanngutinnginnejarsinnaalluni, paasissutissanik ilisimasaqalernissamut nalunaarsugaasup soqtigisai tunulliunneqartariaqarpata makku pissutigalugit

- 1) pisortatigoortunik imaluunniit eqqartuussisutigut misissuinernut, pinerluttoqarsimatillugu misissueqqissaarnernut imaluunniit suleriaatsinut akornusersuisoqarsinnaanera pinngitsoortinniarlugu,
- 2) pinerluttulerinermi inatsit malillugu iliuusissanik naammassinninnissap imaluunniit pinerlunnermik inatsisitigut akisussaatitaanermik malitseqarsinnaasunik iliuutsinik eqqartuussisulersuussinerup imaluunniit pitsaaliuinerup, qulaajaanerup, pinerluttoqarsimatillugu misissueqqissaarnerup ajoquserneqarsinnaanera pinngitsoortinniarlugu,
- 3) tamat isumannaatsuutinnissaat illersorniarlugu,
- 4) naalagaaffiup isumannaatsuutinnissaa illersorniarlugu imaluunniit
- 5) nalunaarsugaasup imaluunniit allat pisinnaatitaaffii illersorniarlugit.

*Imm. 2.* Suliarinninnermik immikkoortitikkat sorliit imm. 1-imut ilaatinneqarneri, aamma, imm. 1-imi eqqarsaatigisassat pillugit nalinginnaasumik nalunaarnerit kinguartitsinermik taamaattumik nalaataqartarnissaannik tamanna kinguneqassasoq ilimagineqarpat, § 13, imm. 2 malillugu nalunaarnerup piffissamut tulluarnerusumut kinguartinneqarsinnaanera pillugu, maleruagassanik sukumiinerusunik Justitsminister-i aalajangersaassaaq.

## Kapitali 5

### *Nalunaarsugaasup paasisimasaqarnissamik pisinnaatitaaffia*

**§ 15.** Tamanna pillugu nalunaarsugaasoq qinnuteqaammik saqqummiussippat, qarasaasiami paasissutissanut akisussaasusoq pineqartumut taanna pillugu paasissutissanik suliarinninsoqarnera pillugu uppernarsaassaaq.

Imm. 2. Pineqartoq pillugu paasissutissanik suliarinninsoqarpat, paasissutissanik misissuisinnaatitaassaaq kiisalu tulliuttunik paasissutissalerlugu nalunaarfingineqassalluni:

- 1) Suliarinninnermut siunertaasut aamma inatsisitigut tunngavigineqartut.
- 2) Inunnut paasissutissat misissuiffingineqartut immikkoortiterneri.
- 3) Ilaatillugit pingartumik, nunat peqatigiit avataaniittuni imaluunniit nunani tamalaani tigusisussat, inunnut paasissutissanik ingerlatitseqqiivigineqarsimasut tigusisussat imaluunniit tigusisussat immikkoortiterneri.
- 4) Periarfissaqarpat, inunnut paasissutissat paaqqutarineqarfissaat taanna piffissaq eqqarsaatigineqartoq, imaluunniit, periarfissaqanngippat, tamatuma piffissap aalajangersarnissaanut atorneqartussat taakku piumasaqaatit.
- 5) Inunnut paasissutissanik iluarseeqqusinermut imaluunniit piaanissamut qarasaasiami paasissutissanut akisussaasumut qinnuteqarnissamut imaluunniit nalunaarsugaasoq pillugu suliarinninnermik killiliinissamut pisinnaatitaaffik.
- 6) Naammagittaalliummik nakkutilliinermik oqartussaasumut aamma nakkutilliinermik oqartussaasup pissarsiarinissaanut paasissutissanik tunniussisinnaatitaaneq.
- 7) Inunnut paasissutissat sorliit suliarinninnermut ilaatinneqarnersut, aamma paasissutissat pissarsiarineqarsinnaasut suulluunniit sumit pinersut.

**§ 16.** Nalunaarsugaasup paasissutissanik ilisimasaqalernissamik soqtigisai, § 14, imm. 1-imi eqqaaneqartut tamat soqtigisaasa eqqarsaatigineqarnerannut tunulliunneqartariaqarpata, § 15 malillugu takunnissinnaaneq, kinguartinneqarsinnaavoq, killilerneqarsinnaavoq imaluunniit itigartitsissutigineqarsinnaalluni.

*Imm. 2.* Nalunaarsugaasup takunnissinnaanerata kinguartinneqarnissaa, killilerneqarnissaa imaluunniit itigartitsissutigineqarnissaa pillugu aalajangiineq, nalunaarsugaasumut allaganngorlugu nalunaarutigineqassaaq, pissutigineqartunik aamma naammagittaalliornissamut ilitsersuummik ilaqtinnejqassallunilu.

Aammattaaq aalajangiineq § 40, imm. 1, nr. 10 naapertorlugu nalunaarsugaasup pisinnaatitaaffiinik oqartussaasut piginnaatitaasut atuutsinnissaannut nalunaarsugaasup piginnaatitaaffii pillugit paasissutissanik imaqassaaq.

*Imm. 3.* Siunertat imm 1-imni eqqaaneqartut eqqarsaatigalugit, nalunaarsugaasoq imm. 2 malillugu nalunaarfiginninnermut taarsiullugu, pineqartoq pillugu paasissutissanik paassussisoqarnera pillugu paasissutissiissutigineqarsinnaannginnaa pillugu nalunaarfigineqarsinnaavoq. § 40, imm. 1, nr. 10 naapertorlugu nalunaarut taamaattoq naammagittaallioriornissamut ilitsersuummik aamma nakkutilliinermik oqartussaasup nalunaarsugaasup piginnaatitaaffiinik atuutsitsinissaanut nalunaarsugaasup piginnaatitaaffii pillugit paasissutissanik imaqassaaq.

*Imm. 4.* Ilaatillugit takunnissinnaaneq pillugu qinnuteqaammik imm. 1-imni eqqarsaatigisassat pillugit nalinginnaasumik itigartitsisinnaanermik malitseqarnissaata ilimagineqarnissaa, § 15 malillugu paasissutissanik pinissamut eqqartuussivimmuit ilaatisinngissutit pillugit, suliarinninnermk immikkoortitikkat sorliit imm. 1-imut ilaatinneqarneri pillugit maleruagassanik sukumiinerusunik Justitsministeri aalajangersaassaaq.

## Kapitali 6

### *Suliarinninnerup iluarsinissaanut, piiarnissaanut aamma killilernissaanut pisinnaatitaaffik*

**§ 17.** Paasissutissat eqqunngitsuunerinik paasinarsisut, nalunaarsugaasup qinnuteqarnera malillugu qarasaasiami paasissutissanut akisussaasuusup pisariaqanngitsumik kinguarsarnagu iluarsissavai. Taamatuttaaq suliarinninnerup siunertaa ulorianartorsiortinnagu pisinnaappat, paasissutissat ilivitsuunngitsut ilivitsunngortinneqassapput. Inunnut paasissutissat eqqunngitsut iluarsineqarneri, paasissutissat eqqunngitsut takkuffigisaannut oqartussaasunut piginnaatitaasunut qarasaasiami paasissutissanut akisussaasup nalunaarutigissavai.

*Imm. 2.* nalunaarsugaasup qinnuteqarnera malillugu qarasaasiami paasissutissanut akisussaasuusup pisariaqanngitsumik kinguarsarnagu qarasaasiami paasissutissanut akisussaasup, kapitali 3-mut akerliusumik

passunneqarsimasut, imaluunniit qarasaasiами paasissutissanut akisussaasuusup inisisimaffigisaata, inatsisitigut pisussaaffiup unioqqutinnginnissaanut piumasaqaataappat paasissutissat piiassavai.

*Imm. 3.* inunnut paasissutissat piiarnerinut taarsiullugu qarasaasiами paasissutissanut akisussaasuusup suliarinninnej killilissavaa, imaattuni

- 1) Inunnut paasissutissat eqqorneri nalunaarsugaasumit assortorneqarpat aamma eqqornersut eqqunnginnersulluunniit paasineqarsinnaanngippat imaluunniit
- 2) Inunnut paasissutissat uppernarsaatitut pigiinnarneqassappata.

*Imm. 4.* Imm. 3, nr. 1-imut naleqqiullugu suliarinninnej killeqarpat, suliarinninnerup killilerneqarnerata atorunnaarsinneqarnera sioqqullugu qarasaasiами paasissutissanut akisussaasuusup nalunaarsugaasoq tamatuminnga nalunaarfingissavaa.

*Imm. 5.* Suliarinninnerup iluarsineqarnissaa, piiarneqarnissaa imaluunniit killilerneqarnissaa pillugu qinnuteqaammut itigartitsineq, nalunaarsugaasumut allaganngorlugu nalunaarutigineqassaaq aammalu pissutigineqartunik aamma naammagittaallioriornissamut ilitsersuummik ilaqtinnejassalluni. Aammattaaq § 40, imm. 1, nr. 10 naapertorlugu nalunaarsugaasup pisinnaatitaaffiinik oqartussaasut piginnaatitaasut atuutsitsinissaannut nalunaarsugaasup pisinnaatitaaffii pillugit paasissutissanik aalajangiineq imaqassaaq. § 16, imm. 3-mi aalajangersagaq taamatuttaaq atuuppoq.

*Imm. 6.* qarasaasiами paasissutissanut akisussaasuusup inunnut paasissutissanik suliarinninnerup iluarsineqarsimanera, piiarneqarsimanera imaluunniit killilerneqarsimanera pillugu tigusisussat nalunaarfingissavaai. Akisussaaffigisamittut, tigusisussat inunnut paasissutissat iluarsissavaat imaluunniit piiassavaat imaluunniit inunnut paasissutissanik suliarinninnej killilersussavaat.

## Kapitali 7

### *Aalajangersakkat nalinginnaasut*

**§ 18.** Immikkoortumi matumani eqqaaneqartut paasissutissat aamma nalunaarutit, naatsunngorlugit, paasiuminartuutilugit aamma

pissarsiariuminartuutilugit aammalu erseqqissunik piuminartunillu oqaasertaqartillugit atugassiissutigineqassapput imaluunniit akeqanngitsumik tunniunneqassallutik.

*Imm. 2.* Immikkoortumi matumani eqqaaneqartutut, qarasaasiами paasissutissanut akisussaasuusup qinnuteqaatit piaartumik aamma allaganngorlugit akissavai. Qinnuteqaatit tiguneqarnerisa kingorna sapaatit akunneri sisamanngortinnagit akineqarsimanngippata, qarasaasiыми paasissutissanut akisussaasuusup, tamatumunnga pissutaasut kiisalu qinnuteqaatip qaqugu akineqarnissaata naatsorsuutigineqarnera pillugit pineqartoq ilisimatissavaa.

*Imm. 3.* Eqqartuussisarnermi inatsimmi aamma sakkutooqarnermi eqqartuussisarnemi inatsisit paasissutissanik pissarsisinnaatitaanermut, takunnissinnaanissamut upernarsaanissamut imaluunniit piaanissamut killilersuinissamulluunniit inunnut tunngasunik pineqaatissinneqarsimasunik suliaqarnerup iluani paasissutissanik suliaqarnermi, pisinnaatitaaffinnut atatillugu uani immikkoortumi atuutsinneqarpoq.

*Imm. 4.* Ilaatillugit ingerlatsinikkut aalajangiinerit aqtsisoqarfimmuit allamut naammagittaalliuutigineqarsinnaassannginneri, naammagittaalliuutit passunneqarneri pillugit aamma immikkoortoq manna malillugu qinnuteqaatit passunneqarneri pillugit aalajangersakkaniuk sukumiinerusunik Justitsminister-i aalajangersaassaaq.

**§ 19.** Qarasaasiыми paasissutissanut akisussaasuusup, matumani immikkoortumi aalajangersakkat naapertorlugit saqqummiunneqartut, ingasaassisumik saqqummiuteqqittaakkat imaluunniit ersiinnartumik pissutissaqanngitsut qinnuteqaatit itigartissinnaavai.

#### Immikkoortoq IV

*Qarasaasiыми paasissutissanut akisussaasuusumut aamma qarasaasiыми paasissutissanik suliarinnittartumut pisussaaffit*

#### Kapitali 8

*Qarasaasiami paasissutissanut akisussaasuusumut pisussaaffit*

**§ 20.** Suliarinninneq matumunnga inatsimmut naapertuuttoq takutissinnaajumallugu aamma qulakkeerniarlugu qarasaasiami paasissutissanut akisussaasuusup naammassissavai aamma pisariaqassappat malinnaalersitsinissamut ilassutit ilanngussuutissavai aamma pisariaqartut teknikkikkut aamma aaqqissuussinertigut iliuusissat kukkunersiussallugit. Suliarinninnermut sulianut naapertuuppat, qarasaasiami paasissutissanut akisussaasuusup aammattaaq qarasaasiami paasissutissanut illersuinermut politikkit pisariaqartut naammassissavai.

*Imm. 2. Imm. 1-i malillugu iliuusissat, qarasaasiamik ilusilersuinikkut aamma nalinginnaasumik inissitsiterisarnikkut qarasaasiami paasissutissanut illersuinermik ilaqpaput.*

**§ 21.** Qarasaasiami paasissutissanut akisussaasut marluk amerlanerilluunniit peqatigiillutik suliarinninnermut siunertat aamma ikiuitit aalajangersarpatigit, qarasaasiami paasissutissanut akisussaasuusutut peqatigiittutut isigineqassapput. Qarasaasiami paasissutissanut akisussaasuusut peqatigiit, inatsimmut naapertuuttumik suliarinninnermut, ilaattilugu pingaartumik immikkoortoq III malillugu nalunaarsugaasup pisinnaatitaaffiinut naleqqiullugu, akisussaaffimmik agguataarinissamut aaqqissuussineq aalajangersassavaat. Peqatigiilluni attaveqaataasussamik toqqaanermik aaqqissuussineq ilaqaasaaq. Pisinnaatitaaffimmink atuinermi, nalunaarsugaasunut peqatigiittut attaveqaataasussatut atuuttussamik immikkut attaveqartarfimmik toqqaasoqarsinnaavoq.

Kapitali 9

*Qarasaasiami paasissutissanik suliarinnittartumut il.il. pisussaaffit.*

**§ 22.** Qarasaasimi paasissutissanut akisussaasuusup, paasissutissanik suliarinninneq, qarasaasiami paasissutissanik suliarinnittartumut tunniukkuniuk, §§ 20-im i aamma 24-im eqqaaneqartut teknikkikkut aamma aaqqissuussinikkut isumannaallisaanermik iliuusissat qarasaasiami

paasissutissanik suliariinnittartup isumagisinnaagai, qarasaasiами  
paasissutissanut akisussaasuusup qulakkiissavaa, tamatumalu  
pitinneqarnera isumagissallugu.

*Imm. 2.* Inatsit naapertorlugu imaluunniit qarasaasiами paasissutissanik suliariinnittartup aamma qarasaasiами paasissutissanut akisussaasuusup akornanni allakkatigut isumaqtigiissuteqarnikkut, qarasaasiami paasissutissanik suliariinnittartumit suliariinninnerup naammassineqarnera pissaaq. Suliariinninnermut, suliariinninnerup suussusaanut aamma siunertaanut, inunnut paasissutissat suunerinut aamma nalunaarsugaasut immikkoortiternerinut kiisalu qarasaasiами paasissutissanut akisussaasuusup pisussaaffii aamma pisinnaatitaaffiinut pissutaasoq aamma sivisussusaasoq inatsimmik imaluunniit isumaqtigiissummik aalajangersarneqassaaq. Pingartumik ersarissaq, qarasaasiами paasissutissanik suliariinnittartoq

- 1) qarasaasiами paasissutissanut akisussaasuusup peqqussutai malillugit taamaallaat suliaqassasoq,
- 2) inuit, inunnut paasissutissanik suliariinninnissamut akuersissutaateqartut, tatileqatigiinnissamut pisussaaffilersimassasut imaluunniit inatsisitigut nipangiussisussaanermut naleqquttumut inissisimaffeqassasut qulakkiissavai,
- 3) nalunaarsugaasup pisinnaatitaaffii pillugit aalajangersakkat unioqqutinnejqannginnissaannut qulakkeeriniarneranik sutigut tamatigut piissusissamisoortumik qarasaasiами paasissutissanut akisussaasuusoq ikiussavaa,
- 4) inunnut paasissutissanik paaqqussinissamik inatsisini allani allassimasoqanngippat, suliariinnineq pillugu kiffartuussinerup naammassereernerata kingorna, qarasaasiامي paasissutissanut akisussaasuusup toqqaanera malillugu inunnut paasissutissat (suliariinnittup) piiassavai imaluunniit qarasaasiامي paasissutissanut akisussaasuusumut utertissallugit,
- 5) aalajangersakkamik matuminnga unioqqutitsinnginnejq takutinniarlugu pisariaqartut paasissutissat tamaasa qarasaasiامي paasissutissanut akisussaasuusumut sassaalliuutigissavai aamma

6) qarasaasiами paasissutissanut suliarinninssummik allamik atuinissaq siunertalarugu nr. 1-5-imut aamma imm. 3-mi piumasaqaatit eqquutitissavai.

*Imm. 3. Qarasaasiами paasissutissanik suliarinnittartup suliarinninnermik qarasaasiами paasissutissanik suliarinnittartumut allamut tunniussinera, qarasaasiami paasissutissanut akisussaasuusumik nalinginnaasumik imaluunniit immikkut ittumik allakkiatut isumaqatigiissuteqarneq naapertorlugu pissaaq. Isumaqatigiissut nalinginnaasoq naapertorlugu tunniussineq pippat, qarasaasiami paasissutissanik suliarinnittartup tamanna pillugu kingusinnerpaamik ullunik 14-inik tunniussineq sioqqullugu qarasaasiami paasissutissanut akisussaasuusoq ilisimatissavaa.*

*Imm. 4. Kinaluunniit, qarasaasiami paasissutissanut akisussaasuusumik imaluunniit qarasaasiami paasissutissanik suliarinnittartumik sullisisoq, aammalut inunnut paasissutissanik pissarsisinnaasoq, pineqartup suliarinninneq suliarissagaa, inatsimmi allami allassimanngippat, taamaallaat qarasaasiami paasissutissanut akisussaasuusumiit peqqussutit malillugit paasissutissanik tamakkuningga suliarinninsinnaavoq.*

## Kapitali 10

### *Suliarinninnernut aamma nalunaarsuinernut nalunaarsorneqarfiiit*

**§ 23.** Qarasaasiami paasissutissanut akisussaasuusup akisussaaffiata ataaniittut suliarinninnermik sulianik immikkoortut tamaasa allakkiatut qarasaasiami paasissutissanut akisussaasuusup nalunaarsussavai. Nalunaarsuineq makku pillugit imaqassaaq

- 1) qarasaasiami paasissutissanut akisussaasuusumut ateq aamma attaviginninniarnermut paasissutissat aamma, pisariaqassappat, peqatigalugu qarasaasiami paasissutissanut akisussaaqataasumut aamma qarasaasiami paasissutissanik illersuinermut siunnersortimut aqqit attaviginninnermullu paasissutissat,
- 2) suliarinninnermut siunertaasut,
- 3) nunat peqatigiit avataanniittuni imaluunniit nunani tamalaani kattuffinni tigusicussat ilaatillugit, inunnut paasissutissat

- ingerlatitseqqiivigineqarfii imaluunniit  
 ingerlatitseqqiivigineqarfissaat tigusisussat immikkoortiterneri,
- 4) nalunaarsugaasut immikkoortiternerisa aamma inunnut paasissutissat immikkoortiternerisa nassuaataat,
  - 5) pisariaqartitsiviusuni ilisarnaasersuinerteri atuineq,
  - 6) pisariaqartitsiviusuni nunat peqatigiit avataaniittunut imaluunniit nunani tamalaani kattuffinnut inunnut paasissutissanik nuussuinerit immikkoortiterneri,
  - 7) inunnut paasissutissat nuunneqarfissaannut nuussinerit ilaatillugit, suliarinninnermut sulinermut inatsisitigut tunngaviusoq,
  - 8) periaarfissaqarpat, inunnut paasissutissat immikkoortiternerisa assigiiingitsut piiarnissaannut piffissaliussassatut naatsorsuutigineqartut, aamma
  - 9) periaarfissaqarpat, § 27-imi sammineqartut teknikkikut aamma aaqqissuussinikkut isumannaallisaanermut- iliuusissanut nalinginnaasumik nassuaatit.

*Imm. 2. Qarasaasiami paasissutissanut akisussaasoq sinnerlugu suliarineqartunik, suliarinninnermik suliat immikkoortiternerinik tamanik allakkiangorlugit qarasaasiami paasissutissanik suliarinnittartoq nalunaarsuissaq. Nalunaarsuutit makku pillugit imaqassapput.*

- 1) Qarasaasiami paasissutissanut akisussaasumik sullisisumut qarasaasiami paasissutissanik suliarinnittartumut imaluunniit sullisisunut qarasaasiami paasissutissanik suliarinnittartunut, aamma, pisariaqarfiini, qarasaasiami paasissutissat illersorneqarnissaannut siunnersortimut attaviginninnissamut paasissutissat aamma ateq,
- 2) qarasaasiami paasissutissanut akisussaasuusoq sinnerlugu suliarineqartoq, suliarinninnermik immikkoortiterneri,
- 3) taassuma nunat peqatigiit avataaniittup nunap imaluunniit taassuma nunani tamalaani kattuffiup nalunaarneqarnera ilaatillugu, tamanna pillugu erseqqilluinartumik qarasaasiami paasissutissanut akisussaasuuusup peqqussutigereerpagu, pisariaqarfiini, nunat peqatigiit avataaniittumut nunamut imaluunniit nunani tamalaani kattuffimmut inunnut paasissutissanik nuussinerit, aamma

- 4) periaarfissaqarpat, § 27-imni sammineqartut teknikkikkut aamma aaqqissuussinikkut isumannaallisaanermut- iliuusissanut nalinginnaasumik nassuiaatit.

**§ 24.** Qarasaasiami paasissutissanik suliarinninnermut aaqqissuussani isumamineertuni katersuinernik, allannguinernik, ujarlernernik, ingerlatitseqqiinernik, ilaatillugit nuussuinernik, ingerlaqtigiissitsinernik aamma piaanernik nalunaarsuinerit suliarineqartarpuit.

*Imm. 2. Qarasaasiami paasissutissanik suliarinninnermut aaqqissuussat sorliit 1. januar 2023 sioqqullugu atuutilersitat, imm. 1-imut ilaatinneqarneri pillugit maleruagassanik sukumiinerusunik Justitsministeri aalajangersaassaaq.*

## Kapitali 11

### *Nakkutilliinermut oqartussaasut tusarniaavagineqarnerat aamma kingunerusussanik misissuinerit*

**§ 25.** Passusseriaaseq aalajangersimasoq, pingaartumik teknologiimik nutaamik atuinikkut aammalu pissutsini, annertussutsini, ataqtigiinnini aammalu siunertani malillugit, inuit pisinnaatitaaffiinik annertuumik navianaammik qularnanngitsumik nassataqassappat, qarasaasiami paasissutissanut akisussaasusoq suliarinninneq sioqqullugu inunnut paasissutissanik illersuinermut eqqarsaatigineqartut suliarinninnermik suliat kingunerinik misissuinermik suliaqaqqaassaaq.

*Imm. 2. Nalunaarsugaasut aamma inuit allat attuumassuteqarfingineqartut piginnaatitaaffii aamma inatsisitigut soqtigisaat eqqarsaatigiitigalugit, inunnut paasissutissanik illersuinermik qulakkeerisussanik aamma inatsimmik matuminnga eqqortitsinermik ersersitsisussanik, navianaatinut, qularnaveeqqutinut, isumannaallisaatitut iliuusissanut aamma periaatsinut upalungaarsaatitut eqqarsaatigineqartunik iliuusissanik, nalunaarsugaasut pisinnaatitaaffiinut navianaatinik naliliinermik, suliarinninnermik sulianut pilersaarutigineqartunut nassuiaammik nalinginnaasumik misissuineq imaqassaaq.*

**§ 26.** Nalunaarsuiviup nutaap, pilersinneqartussap, ilaatut inissisimasussat inunnut paasissutissat passunnissaat sioqqullugu qarasaasiами paasissutissanut akisussaasuusup imaluunniit qarasaasiами paasissutissanik suliarinnittartup, nakkutilliinermik oqartussaasoq tusarniaavigissavaa, imaattuni

- 1) § 25 naapertorlugu qarasaasiами paasissutissat illorsorneqarnerat pillugu kingunerisinnaasat misissoqqissaarneqarnerat, qarasaasiامي paasissutissanut akisussaasuusup aalajangiinerani navianaat killilersimaarniarlugu iliuusissat amigarpata suliarinnineq navianaammik annertuumik kinguneqarumaartoq ersersitsippat, imaluunniit
- 2) suliarinnineq taamaattoq, pingaartumik teknologiinik, periaatsinik imaluunniit suleriaatsinik nutaanik atuinermi, nalunaarsugaasut pisinnaatitaaffiinut annertuumik navianaammik kinguneqarpat.

*Imm. 2. Nakkutilliinermut oqartussaasoq isumaqarpat pilersaarutigineqartoq suliarinnineq inatsimmik unioqqutitsissasoq, ilaatillugu pingaartumik qarasaasiامي paasissutissanut akisussaasuusup navianaat naammattumik paasisimannngippagu imaluunniit killilersimanngippagu, nakkutilliinermut oqartussaasup, tusarniaanissaq pillugu qinnuteqaatip tigunerata kingorna sapaatit akunneri arfinillit tikillugit piffissap iluani, qarasaasiامي paasissutissanut akisussaasuusoq aamma, pisariaqarfii, qarasaasiامي paasissutissanik suliarinnittartoq allaganngorlugu siunnersussavaa. Kapitali 20 naapertorlugu tamatumunnga atatillugu piginnaatitaaffini suulluunniit nakkutilliinermut oqartussaasup atorsinnaavai. Taassuma suliarinninnissap eqqarsaatigineqartup annertuumik katitigaanera eqqarsaatigalugu, piffissaq tamanna qaammammik ataatsimik sivitsorneqarsinnaavoq. Tusarniaaneq pillugu qinnuteqaatip tigunerata kingusinnerpaamik qaammatip ataatsip kingorna sivitsineq taamaattoq sunaluunniit, tamatumunngalu peqatigitillugu kinguaattornermut peqqutaasoq pillugit nakkutilliinermut oqartussaasup qarasaasiامي paasissutissanut akisussaasuusoq aamma, pisariaqarfii, qarasaasiامي paasissutissanik suliarinnittartoq ilisimatissavai.*

*Imm. 3. Nakkutilliinermut oqartussaasut, imm. 1 naapertorlugu tusarniaatigineqaqqartussat suliarinninnermut suliassat pillugit tulleriaarniliamik allattuissapput.*

## **Immikkoortoq V**

**Inunnut paasissutissanik isumannaallisaaneq**

### **Kapitali 12**

*Suliarinninnermut isumannaallisaaneq*

**§ 27.** Qarasaasiами paasissutissanut akisussaasuusoq aamma qarasaasiами paasissutissanik suliarinnittartoq, pisut teknikkikkut qaffasissutsit, isummamik piviusunngortitsinermut aningaasartuutit aamma suliarinninnerup pissusaa, ataqatigiinera aamma siunertaa aamma navianaatit assigiinngisitaartumik ilimanaataat aamma inuit pisinnaatitaaffiinut ilungersunartut eqqarsaatigiitigalugit, navianaatinut tamakkununnga naleqquttunik, pingaartumik § 10-mut ilaatinneqartunik inunnut paasissutissat immikkoortiterneri immikkut ittut passunneri eqqarsaatigalugit, isumannaallisaanermut qaffasissuseq qulakkeerniarlugu teknikkikkut aamma aaqqissuussinikkut iliuusissanik naleqquttunik suliaqassapput.

*Imm. 2. Isumamineertumik paassussineq eqqarsaatigalugu, qarasaasiами paasissutissanut akisussaasuusoq imaluunniit qarasaasiами paasissutissanik suliarinnittartoq, navianaatinut naliliineq tunngavigalugu iliuusissanik suliaqassaaq makkuninnga qulakkeerinissamut,*

- 1) inuit allagartaqanngitsut, suliarinninnermut atorneqartartunut, suliarinninnermut atortunut, appakaassinnaaqqunagit (atortunut appakaassinnaanermut nakkutilliineq),
- 2) akuersissutaateqarani qarasaasiами paasissutissanut toqqorterivinnik assigiinngitsunik (datamedienik) atuaanissamut, assiliortornissamut (kopeerinissamut), allannguinissamut imaluunniit piaanissamut pitsaaliuineq (qarasaasiami paasissutissanut toqqorterivinnik assigiinngitsunik (datamedienik) nakkutilliineq),

- 3) inunnut paasissutissanik atuaanissamut allagartaqanngitsunit immiussinermik imaluunniit inunnut paasissutissanik toqqortanik allagartaqarani atuaanermik, allannguinermik imaluunniit piiaanermik pisoqaqqunagu (toqqortaatinik nakkutiginninneq),
- 4) qarasaasiами paasissutissanik attaveqaqtigiinnermut atortunik atortoqarluni akuersissutaateqanngitsunit isumamineertumik suliarinninnermut aaqqissuussat atorneqarsinnaaqquunagit (atusunik nakkutilliineq),
- 5) isumamineertunik suliarinninnermik aaqqissuussanik atuisinnaanermut inuit piginnaatitaassutaillit appakaannissaminnut akuersissutaatiminnut ilaatinneqartunut taamaallaat inunnut paasissutissanut appakaassinjaatsineq (qarasaasiами paasissutissanut appakaassinjaanermik nakkutilliineq),
- 6) qarasaasiами paasissutissanut attaveqaqtigiissutit atorlugit aallakaatitsivigineqarsimasut imaluunniit paasissutissanik atuisinnaatinneqarsimasut imaluunniit aallakaatitsivigineqarsinnaasut imaluunniit atuisinnaatinneqarsinnaasut nakkutigineqarsinnaanngorlugit aamma tigusisut kikkuussusersisisinnaanngorlugit (attaveqaqtiginnermik nakkutilliineq),
- 7) malittuanik, inunnut paasissutissat sorliit isumamineerluni suliarinninnermut aaqqissuussanut immiunneqarsimasut, aamma qanga aamma kimit inunnut paasissutissat immiunneqarsimasut misissorneqarsinnaanngorlugu aamma aalajangiunneqarsinnaanngorlugu (immiussinermik nakkutilliineq),
- 8) qarasaasiami paasissutissanik toqqorsiviit (datamediet) angallannerannut imaluunniit tamakkua nuussorneqarnerannut atatillugu inunnut paasissutissanik atuaaneq, kopeerineq, allannguineq imaluunniit piiaaneq peqqunagu (angallassinermik nakkutilliineq),
- 9) aaqqissuussat atorneqartut teknikkikkut ajutoortoqartillugu pilersetqinnejqarsinnaaqquullugit (pilersetqiqineq) aamma
- 10) aaqqissuussap atuunnera, kukkunerit pilersut nalunaarutigineqartarneri (tatiginassuseq), aamma inunnut

paasissutissat toqqortaatigineqartut kukkunernik pilersoqarnerani ajoquserneqannginnissaat (isornaassuseq).

*Imm. 3.* Inunnut paasissutissat sukumiinerusumik aalajangersimasuni qarasaasialeriner mik aaqqissuussani passunneqartut, aammalu pisortat aqtsisoqarf i ni ingerlatarinerineqartut, tamakkiisumik imaluunniit ilaannakortumik taamaallaat Kalaallit Nunaanni inissisimatinneqarnissaat pillugu maleruagassanik, ministeri pineqartoq isumaqatigiinniaqatigereerlugu Justitsministeri aalajangersaasinnaavoq.

*Imm. 4.* Imm. 1-im i aamma 2-mi eqqaaneqartut iliuusissat pillugit maleruagassanik sukumiinerusunik Justitsminister-i aalajangersaassaaq.

## Kapitali 13

### *Qarasaasi am i paasissutissanik isumannaallisaanermi ajutoorneq*

**§ 28.** Inunnut paasissutissanik isumannaallisaanermi ajutoortoqartillugu, imaanngippat inuit pisinnaatitaaffiinut navianaammik nassataqassasoq, ilimananganngitsoq, pisariaqanngitsumik kinguarsagaanngitsumik aammalu ajornanngippat, kingusinnerpaamik akunnerit 72-it qarasaasi am paasissutissanut akisussaasuusup ajutoorner mik ilisimasaqaler nerata kingorna, qarasaasi am paasissutissanut akisussaasuusup nakkutilliinermik oqartussaasunut ajutoorneq nalunaarutigissavaa. Akunnerik 72-inik piffissarititaasup qaangerneqarnera tunngavilersagaassaaq.

*Imm. 2.* Inunnut paasissutissanik isumannaallisaanermi ajutoorneq pillugu pisariaqanngitsumik kinguarsarnagu qarasaasi am paasissutissanik suliarinnittartup qarasaasi am paasissutissanut akisussaasuusoq nalunaarf i gissavaa.

*Imm. 3.* Imm. 1-i malillugu nalunaarummi

- 1) inunnut paasissutissanik isumannaallisaanermi ajutoornerup pissusaa, ilaatillugit sapinngisamik inunnut paasissutissat immikkoortiternerisa aamma nalunaarsoriigaasut attorneqartut amerlassusaat aamma nalunaarsorneqartut attorneqartut amerlassusaat nassuiarneqassaaq,

- 2) qarasaasiами paassisutissat illorsorneqarnerannut siunnersorti imaluunniit attavissaq alla, ilassutitut paassisutissanik aallerfigineqarsinnaasoq pillugu attaviginninnissamut paassisutissat aamma ateq allassimassapput,
- 3) inunnut paassisutissanik isumannaallisaanermi ajutoornerup kingunerisinnaasai nassuiarneqassapput aamma
- 4) Inunnut paassisutissanik isumannaallisaanermik ajutoorneq suliariniarlugu qarasaasiами paassisutissanut akisussaasuusup aalajangigai imaluunniit aalajangiutissallugit siunnersuutigisai, pisariaqassappallu, ajutoornerup ajoqusiinerisinnaasaanik killiliisimaarniarnermut iliuusissat ilaattillugit, iliuusissat nassuiarneqassapput.

*Imm. 4. Imm. 3-mi eqqaaneqartut paassisutissat kattusimatillugit nakkutilliinermut oqartussaasunut saqqummiunnissaat perarfissaqanngippat, pisariaqanngitsumik kinguarsarnertaqanngitsumik immikkoortukkuutaarlugit paassisutissat nalunaarutigineqassapput.*

*Imm. 5. Imm. 1-imut ilaatinneqartut, ilaattillugit ajutoornermi pissutsit piviusut, ajutoornerup sunniutai aammalu ikiutissatut iliuusissat aalajangerneqarsimasut, inunnut paassisutissanik isumannaallisaanermik ajutoornerit tamaasa allagannguilluni qarasaasiami paassisutissanut akisussaasuusup uppernarsaasersussavai.*

*Imm. 6. Inunnut paassisutissanik isumannaallisaanermik ajutoornermi, EU-mi nunanut ilaasortaasumi naalagaaffimmi qarasaasiami paassisutissanut akisussaasumut paassisutissat nassiussuunneqarsimasut pineqarpata, imm. 3-mi eqqaaneqartut paassisutissat pisariaqanngitsumik kinguarsarnertaqanngitsumik EU-mi nunanut ilaasortaasumi naalagaaffimmi tassunga qarasaasiami paassisutissanut akisussaasumut nalunaarutigineqassapput.*

**§ 29.** Inuit pisinnaatitaaffiinik annertuumik navianartorsiortitsinermik nassataqassagunartumik, inunnut paassisutissanik isumannaallisaanermik ajutoornermi, qarasaasiami paassisutissanut akisussaasuup pisariaqanngitsumik kinguarsarnertaqanngitsumik ajutoorneq pillugu nalunaarsugaasoq nalunaarfigissavaa.

*Imm.* 2. Nalunaarnermi erseqqissumik paasuminartumillu oqaasertalimmik ajutoornerup pissussaa nassuiardeqassaaq aammalu § 28, imm. 3, nr. 2-4 eqqaaneqartut paassisutissat imarissallugit.

*Imm.* 3. Imm. 1-im i aalajangersakkat atuutissanngillat, imaattoqartillugu

- 1) qarasaasiami paassisutissanut akisussaasoq teknikkikkut aamma aaqqissuussinikkut naleqquuttunik illersuinermik iliuusissanik suliaqarsimappat aamma tamakkua iliuusissat, inunnut paassisutissanik isumannaallisaanermik ajutoornermi attugaasimasunut inunnut paassisutissanut, ilaattilugit pingaartumik assersuutigalugu paasuminaallisagaanertik pissutigalugu, appakaannissamut allagartaqanngitsunut inunnut paassisutissanut kimulluunniit paasisassaajunnaarsitsisut iliuusissat atorneqarsimappata,
- 2) imm. 1-im i sammineqartutut nalunaarsugaasut pisinnaatitaaffiinut tamanna annertuumik navianaatip atuunnerata ilimanaataarukunarneranik qulakkeerisunik malitsigisaanik qarasaasiami paassisutissanut akisussaasoq iliuusissanik aalajangersaasimappat, imaluunniit
- 3) qarasaasiami paassisutissanut akisussaasumut naleqqutingitsumik annertuumik suliakkiissappat.

*Imm.* 4. Imm. 3, nr. 3-mi eqqaaneqartumi pisuni, taarsiullugu tamanut nalunaaruteqartoqassaaq imaluunniit assingusumik iliuuseqartoqassaaq, taamaalilluni nalunaarsugaasut assingusumik qularnaatsumik ilisimatinneqassallutik.

*Imm.* 5. Qarasaasiami paassisutissanut akisussaasup inunnut paassisutissanik isumannaallisaanermik ajutoorneq pillugu nalunaarsugaasoq nalunaarfereersimanngippagu, nakkutilliinermut oqartussaasut inunnut paassisutissanik isumannaallisaanermik ajutoornerup annertuumik navianaateqarnerata ilimanaataa eqqarsaatigereerlugu, qarasaasiami paassisutissanut akisussaasoq taamaaliussasoq, imaluunniit, imm. 3-mi piumasaqaatit ilaat ataaseq naammassineqarsimassasoq, aalajangiutissagaa, piumasarisinnaavaat.

*Imm. 6.* Nalunaarsugaasup kalerrinneqarnissaa, § 14, imm. 1-imi eqqaaneqartunik      pissuteqartumik      kinguartinneqarsinnaavoq, killilersimaarneqarsinnaavoq imaluunniit pitinnginneqarsinnaalluni.

## Immikkoortoq VI

### *Qarasaasiami paasissutissanik illersuinermut siunnersorti*

#### Kapitali 14

##### *Qarasaasiami paasissutissanik illersuinermut siunnersortimik toqqaaneq*

**§ 30.** Qarasaasiami paasissutissanut akisussaasoq, ilinniakkamut piginnaasat, ilaatillugit pingoartumik qarasaasiami paasissutissanik illersuinermut inatsisinik aamma -suleriaatsinik immikkut piginnaannngorsarfisisimasat, aamma suliassanik naammassinnissinnaaneq, kapitali 15-imi eqqaaneqartut tunngavigalugit qarasaasiami paasissutissanut illersuinermut siunnersortimik, inunnut paasissutissanik illersuineq pillugu apeqqutinut tamanut ilaatinneqartussamik toqqaassaaq.

*Imm. 2.* Qarasaasiami paasissutissanut illersuinermut siunnersortit arallit, annertussuseq aamma aaqqissuussaanermut pissutsit eqqarsaatigalugit ataatsimoorfiusussamik qarasaasiami paasissutissanut illersuinermut siunnersortimik toqqaasinnaapput.

*Imm. 3.* Eqqartuussiveqarfittut pissutsiminni inunnut paasissutissanik suliarinninnermik suliaqarunik imm. 1-imi aalajangersagaq eqqartuussiveqarfinnut atuutinngilaq.

*Imm. 4.* Qarasaasiami paasissutissanut akisussaasuusup qarasaasiami paasissutissanut illersuinermut siunnersorti pillugu paasissutissat tamanut nalunaarutigissavai aammalu tamakkua nakkutilliinermut oqartussaasunut nalunaarutigalugit.

#### Kapitali 15

### *Qarasaasiami paasissutissanut illersuinermut siunnersortip suliffia suliassaalu*

**§ 31.** Qarasaasiами paasissutissanut akisussaasuusup qarasaasiами paasissutissanut illersuinermut siunnersorti tapersersortassavaa, imaaliorssinnaanerani

- 1) qarasaasiами paasissutissat illersorneqarnerat pillugu manna inatsit aamma inatsisit allat malillugit pisussaaffii pillugit inunnut paasissutissanik suliarinnittartunik qarasaasiами paasissutissanut akisussaasuusumik aamma sulisunik, qarasaasiامي paasissutissanut illersuinermut siunnersorti ilisimatitsigaangat,
- 2) qarasaasiامي paasissutissanik illersuineq pillugu matuminnga inatsimmik aamma inatsisinik allanik aamma qarasaasiامي paasissutissanut akisussaasuusup inunnut paasissutissanik illersuineq pillugu politikkiinik eqquutsitsinermik, ilaillugu akisussaaffimmik agguataarineq, paasisitsiniaanerit aamma suliarinninnernut suliaqaqataasunik aamma tamatumunnga attuumassuteqartunut kukkunersiuinernut sulisunik ilinniagaqartitsinermik, nakkutilliisinnnaanerani,
- 3) qarasaasiامي paasissutissanik illersuineq pillugu kingunerisassanik naatsorsuineq eqqarsaatigalugu qinnuteqartoqartillugu tamatuminnga siunnersuisinnaanerani aammalu § 25-imi aalajangersagaq naapertorlugu tamatuma eqquunnerata nakkutigineranut kiisalu
- 4) nakkutilliinermik oqartussaasunik suleqateqarsinnaanerani aamma suliarinninneq pillugu apeqqutini, ilaillugu § 26-imi eqqaaneqartoq sioqqutsisumik tusarniaanermi, aamma naapertuukkaangat apeqqutaasinjaasut pillugit nakkutilliinermik oqartussaasut tusarniaaviginerini, nakkutilliinermik oqartussaasunut attaveqaatitut atuussinnaanerani tapersersortassavaa.

## Immikkortoq VII

*Nunat peqatigiit avataaniittunut nunanut imaluunniit nunani tamalaani  
kattuffinnut inunnut paasissutissanik nuussisarnerit*

## *Najoqquṭassiat nalinginnaasut*

**§ 32.** Passunneqartunik imaluunniit nunat peqatigiit avataanniittumut nunamut imaluunniit nunani tamalaani kattuffimmut nuunneqareernerisa kingorna passunnissaannik pilersaarutigineqartunik, ilaatillugu nunat peqatigiit avataanniittumut nunamut allamut imaluunniit nunani tamalaani kattuffimmut allamut nuussueqqinneq, inunnut paasissutissanik nuussuineq, inatsimmi matumani maleruagassat malinnerisigut taamaallaat, aammalu immikkoortumi matumani piumasaqaatit malinneqarpata pisinnaavoq, ilaatillugit pingaartumik

- 1) § 1, imm. 1-imí eqqaaneqartut siunertanut naleqqiullugu nuussuineq pisariaqarpat,
- 2) § 1, imm. 1-imí eqqaaneqartunut siunertanut naleqqiullugu piginnaatitaasumut nunat peqatigiit avataanniittumut nunami imaluunniit nunani tamalaani kattuffimmi qarasaasiami paasissutissanut akisussaasuusumut inunnut paasissutissat nuunneqarpata,
- 3) EU-mi ilasortaasumi naalagaaffimmi piginnaatitaasoq oqartussaasuusoq sioqqutsisumik naalagaaffimmi immini maleruagassat naapertorlugit nuussuinissamut akuersereersimappat aammalu inunnut paasissutissat oqartussaasuusumit tassannga aallakaatinneqarsimappata imaluunniit atugassiarineqarsimappata,
- 4) kapitali 17-imí eqqaaneqartut nuussuinissamut tunngavissat ilaat ataaseq atuuppat, aamma
- 5) nunat peqatigiit avataanniittumut nunamut allamut imaluunniit nunani tamalaani kattuffimmut allamut nassiussisoqarsimatillugu, taanna piginnaatitaasoq oqartussaasuusoq aallaqqaammut nassiussuussinermik suliarinnissimasoq, pissutsit atuuttut tamaasa eqqarsaatigeqqissaareerlugit, ilaatillugit pinerlunnerup sakkortussusaa, inunnut paasissutissat aallaqqaammut nassiussuunneqarneranut siunertaa aamma inunnut paasissutissat nassiussuuteqqinnejarfianni nunat peqatigiit avataanniittumi nunami imaluunniit nunani tamalaani kattuffimmi inunnut paasissutissanik

illersuinerup                    annertussusaa,                    nassiusuiniissamut  
piginnaatitsisummit tunniussisimappat.

*Imm. 2. Imm. 1, nr. 3 malillugu sioqqutsisumik akuersissuteqarani nuussuineq, Kalaallit Nunaannut, EU-mi ilaasortaasumut naalagaaffimmut imaluunniit nunat peqatigiit avataanniittup pisortatigut isumannaallisaataanut imaluunniit EU-mi ilaasortaasup naalagaaffiup pingaarutilinnik soqutigisaanut sakkortuumik siorasaarummut pitsaaliuniarnermut pisariaqarpat aamma sioqqutsisumik akuersissut angumersisumik pissarsiarineqarsinnaanngippat nuussuineq pisinnaavoq. Taanna oqartussaasuusoq akuersisummut pineqartup tunniunneqarneranut akisussaasuusoq, nuussuineq pillugu ingerlaannaq ilisimatinneqassaaq.*

## Kapitel 17

### *Nuussuinissamut tunngaviusut*

**§ 33.** Nunat peqatigiit avataanniittoq nuna, sumiiffik imaluunniit nunat peqatigiit avataanniittumi nunami immikkullarissoq sektor-i ataaseq arlallilluunniit imaluunniit nunani tamalaani kattuffik pineqartoq illersuinermkitsaassusermkitsaammatik peqarnera pillugu Europa-Kommission-i aalajangiisimappat nuussuineq pisinnaavoq.

**§ 34.** § 33-imi eqqaaneqartutut aalajangiisoqarsimanngippat, nuussuineq pisinnaavoq, imaattoqarpat

- 1) inunnut paasissutissanik illersuineq eqqarsaatigalugu nunat tamalaat akornanni                    isumaqtigiiissummi                    pisariaqartunik qularnaveeqquisiisoqarsimappat, imaluunniit
- 2) qarasaasiami paasissutissanut akisussaasuusup nalilersimappagu inunnut paasissutissanik nuussinermut atatillugu pissutsit tamaasa naliliivigisimallugit, aamma Inunnut paasissutissanik illersuinermut qularnaveeqqutunik pisariaqartunik peqartutut inerniliisimappat.

*Imm. 2. Qarasaasiami paasissutissanut akisussaasuusup imm. 1, nr. 2 malillugu nuussukkat immikkoortiterneri pillugit nakkutilliinermut oqartussaasut ilisimatissavai.*

*Imm. 3.* Imm. 1, nr. 2 malillugu nuussineq, nuussinermi piffissamut aamma ullormut, oqartussaasoqarfik piginnaatitaasoq tigusisussaq pillugu paasissutissanut, nuussinermut pissutaasumut kiisalu inunnut paasissutissanut nuussanut naleqqiullugu allatamik uppermarsaaserneqassaaq. Allatamik uppermarsaat, qinnutigineqarnera malillugu, nakkutilliinermut oqartussaasumut atorneqariaannaatinneqassaaq.

**§ 35.** § 33-imi eqqaaneqartutut aalajangigaqanngippat imaluunniit § 34-imi eqqaaneqartutut pisariaqartunik qularnaveequteqanngippat, nuussineq taamaallaat pisinnaavoq imaluunniit immikkoortitikkanik nuussinerit taamaallaat pisinnaapput, nuussineq pisariaqarpat imaattuni

- 1) nalunaarsugaasup imaluunniit inuup allap soqutigisai mianernartut illersorniarlugit,
- 2) inatsit naapertorlugu aalajangersagaappat, nalunaarsugaasup inatsisitigut soqutigisai illersorniarlugit,
- 3) Kalaallit Nunaannut, EU-mi ilaasortaasup naalagaaffiup imaluunniit nunat peqatigiit avataanniittup iluanni tamat isumannaatsuutinneqarnerannut toqqaannartumik ilungersunartumik sioorasaarummik pinngitsoortinniarlugu,
- 4) § 1, imm. 1-imi eqqaaneqartut siunertat tunaaralugit suliani ataasiakkaani, imaluunniit
- 5) suliami ataasiakkaami, eqqartuussisutigut piumasaqaat aalajangersarneqarsinnaatinniarlugu, atuutilersinniarlugu imaluunniit § 1, imm. 1-imi eqqaaneqartut siunertat tunaartaralugit illersorniarlugu.

*Imm. 2.* Nuussinermi inuiaqatigiit eqqarsaatigalugit soqutigisanut sanilliullugit, nalunaarsugaasup pisinnaatitaaffiinik eqqarsaatiginninnissaq salliutinneqarpat, imm. 1, nr. 4 aamma 5 malillugit nuussinerit pisinnaanngillat.

*Imm. 3.* Imm. 1-i malillugu nuussineq, nuussinermi piffissamut aamma ullormut, oqartussaasoqarfik piginnaatitaasoq tigusisussaq pillugu paasissutissanut, nuussinermut pissutaasumut kiisalu inunnut paasissutissanut nuussanut naleqqiullugu allatamik

uppernarsaaserneqassaaq. Allatamik uppernarsaat, qinnutigineqarnera malillugu, nakkutilliinermut oqartussaasumut atorneqariaannaatinneqassaaq.

**§ 36.** Oqartussaasut piginnaatitaasut nunani tamalaani isumaqatigiissut imaluunniit aalajangersimaqqissaartoq kisiartaq pineqartoq tunulequtaralugu oqartussaasunut piginnaatitaasunut allanut aamma nunani tamalaani kattuffinnut inunnut paassisutissanik nuussisinnaapput imaattuni

- 1) inatsisit malillugit, aamma § 1, imm. 1-imi eqqaaneqartunik siunertanik toraagaqarluni suliap, naammassineqarnissaanut oqartussaasumut piginnaatitaasumut nuussisumut nuussineq pisariaqavippat,
- 2) pisumi pineqartumi nuussinissamik pisariaqalersitsisumik inuiqatigiit soqutigisaannit nalunaarsugaasut pineqartut arlaannaataluunniit tunngaviusumik pisinnaatitaaffii salliuinneqassanngitsut, nuussisuusup oqartussaasup piginnaatitaasup aalajangiuppagu,
- 3) nuussiffigineqartoq oqartussaasusoq nunat peqatigiit avataanniittumi nunami piginnaatitaasoq, pingaartumik nuussinissaagaluaq piffissaq eqqorlugu suliarineqarsinnaanngimmat, § 1, imm. 1-imi eqqaaneqartunut siunertanut naleqqiullugu sullerluttusoq imaluunniit siunertamut tulluutinngitsoq, oqartussaasoq piginnaatitaasoq nuussisuusoq isumaqarpat,
- 4) oqartussaasusoq nunat peqatigiit avataanniittumi nunami § 1, imm. 1-imi eqqaaneqartunut siunertanut naleqqiullugu piginnaatitaasoq, imaanngippat tamanna sullerluttusoq imaluunniit siunertamut tulluutinngitsoq, pisariaqanngitsumik kinguarsarnagu ilisimatinneqassaaq, aamma
- 5) kingulliullugu eqqaaneqartoq inunnut paassisutissaannavinnik suliarinninsinnaasoq, tamanna suliarinninnissaq pisariaqarnersoq apeqquaalluni, oqartussaasusoq piginnaatitaasup nuussisup siunertaq imaluunniit siunertat aalajangersimaqqissaartut pillugit tigusisussaq ilisimatippagu.

*Imm. 2.* Oqartussaasuusoq piginnaatitaasoq nuussisoq allatamik uppernarsaasiussaaq nakkutilliinermullu oqartussaasoq imm. 1 malillugu nuussuinerit pillugit ilisimatissallugu.

### Immikkoortoq VIII

*Nakkutilliinermut oqartussat*

#### Kapitali 18

*Qarasaasiami paasissutissanut nakkutilliivik*

**§ 37.** Inatsisinik atuutsitsillutik oqartussat Danmarkimi inunnut paasissutissanik suliarinnittarnerat pillugu qallunaat inatsisaanni suliarinninneq sunaluunniit nakkutigissavaa, taamaattoq tak. kapitali 19.

*Imm. 2.* (Kalaallit Nunaannut atuutilersinnejassanngilaq).

#### Kapitali 19

*Eqqartuussiveqarfinnik nakkutilliineq*

**§ 38.** Tamakkua eqqartuussiveqarfiumermissut sulinngippata, eqqartuussiveqarfinnit suliarineqartunik paasissutissanik suliarinninneq eqqartuussiveqarfinnut aqutsisoqarfiiup nakkutigissavaa.

*Imm. 2.* Paasissutissanik suliarinninnerni allani eqqartuussivimmit pineqartumit aalajangiivigineqartassaaq. Aalajangiineq eqqartuussivimmut qaffasinnerusumut naammagittaalliutigineqarsinnaavoq. Eqqartuussiveqarfinni immikkut ittuni, aalajangiinernik eqqartuussivimmut qaffasinnerusumut ingerlatitseqqiiviusinnaanngitsuni, pkt. 1.-imi eqqaaneqartoq, aalajangiineq, kredsret-ip sumiiffianiittumut, landsret-imut, naammagittaalliutigineqarsinnaavoq. Naammagittaalliornissamut piffissarititaq, pineqartumut nalunaarutigineqarneraniit sapaatit akunnerinik 4-nik sivisussuseqarpoq.

## Kapitali 20

*Nakkutilliinermut oqartussaasut suliassaat  
aamma piginnaatitaaffii*

**§ 39.** Nakkutilliinermut oqartussaasut tamakkiisumik kiffaanngissuseqarlutik atuuttassapput.

**§ 40.** Nakkutilliinermut oqartussaasut makkua Kalaallit Nunaanni suliassaraat

- 1) inatsimmik matuminnga atuineq nakkutigissallugu aamma eqquuitissallugu,
- 2) inunnut paassisutissanik suliarinninnermut atatillugu navianaatinik, maleruagassanik, qularnaveeqqutinik aamma pisinnaatitaaffinnik tamat ilisimanninnerat aamma paasinninnerat allisassallugu,
- 3) suliarinninnermut atatillugu inuit pisinnaatitaaffisa illersornissaannut inatsisinut tunngasut aamma ingerlatsinikkut iliuusissat pillugit Inatsisartut, Naalakkersuisut aamma pisortat suliffeqarfiutaat aamma immikkoortortaqarfii siunnersussallugit,
- 4) qarasaasiами paassisutissanut akisussaasup aamma qarasaasiами paassisutissanik suliarinnittartup inatsit manna malillugu pisussaaffimminnik paasinninnerat siuarsassallugu,
- 5) tamanna pisariaqarpat, aamma EU-mi ilaasortaasuni naalagaaffinni nakkutilliinermut oqartussaasunik ikioqateqarnissaq siunertaralugu, manna inatsit malillugu pisinnaatitaaffimminik atuineq pillugu qinnuteqartoqarnera malillugu nalunaarsugaasut tamaasa ilisimatissallugit,
- 6) pingartumik nakkutilliinermut oqartussaasunik allanik peqateqarluni ilassutitut misissuineq imaluunniit ataqtigiissaarineq pisariaqarpat, aamma siunertamut naleqquppat, naammagittaalliummut tunngaviusoq misissussallugu aamma annerpaamik qaammatit pingasut iluanni misissuinermut inernerusumik naammagittaalliortoq ilisimatissallugu, § 48-mi aalajangersagaq naapertorlugu nalunaarsugaasumit imaluunniit

immikkoortortaqarfimmit              imaluunniit              kattuffimmit  
naammagittaalliutit passutissallugit,

- 7) (Kalaallit Nunaannut atuutilersinnejassanngilaq)
- 8) (Kalaallit Nunaannut atuutilersinnejassanngilaq)
- 9) kapitali 22 malillugu ingerlatitseqqiiñermut periarfissat pillugit nalunaarsugaasoq naammagittaalliuteqartoq ilisimatissallugu,
- 10) kapitali 4-6 malillugit ilanngussinnginneq, kinguartitsineq, killiliineq imaluunniit itigartitsineq naapertorlugit inunnut paasissutissanik suliarinninnerup unioqqutitsinerunnginnera pillugu aamma nalunaarsugaasoq piffissarititap naleqquettup iluani misissuinerup inernera pillugu ilisimatissallugu imaluunniit misissuinerit suliarineqarsimanninnerannut pissutaasoq pillugu, aamma kapitali 22 malillugu ingerlatitseqqiiñissamut nalunaarsugaasup periarfissai pillugit qinnuteqartoqarnera malillugu nakkutigissallugit,
- 11) ilaatillugit matuminnga inatsimmik atuutsitsinikkut aammalut assigiissagaasumik atuinikkut qulakkeerinissaq siunertaralugu akimortumik ikioqatigiinnikkut aamma paasissutissanik avitseqatigiittarnikkut, nakkutilliinermut oqartussaasunik allanik suleqateqassallutik,
- 12) nakkutilliinermut oqartussaasumiit allamiit imaluunniit pisortat oqartussaasuiniit allaniit tigusimasanik paasissutissat tunngavigalugit ilaatillugit, inatsimmik matuminnga atuineq pillugu misissuinerik suliaqassallutik,
- 13) pingaartumik paasissutissat- aamma attaveqaqatigiinneq pillugit teknologi-ip iluani inerartorneq, inunnut paasissutissanik illersuinermut sunniutai eqqarsaatigalugit, inerartorneq attuumassutilik nakkutigissallugu,
- 14) § 26-imi eqqartorneqartutut suliarinninnerut sullinnerit pillugit siunnersuissallutik.
- 15) (Kalaallit Nunaannut atuutilersinnejassanngilaq)

*Imm. 2. Imm. 1, nr. 6 malillugu naammagittaalliutinik tunniussineq nakkutilliinermut oqartussaasut oqilisassavaat.*

*Imm.* 3. Inatsit manna malillugu ersarissumik tunngaveqanngitsut imaluunniit ingasattumik qinnuteqaatigeqqittaakkat nakkutilliinermut oqartussaasut itigartissinnaavaat.

**§ 41.** Ilaatillugu, inatsimmi aalajangersakkat ataanni pisup inissisimanera pillugu, paasissutissaq sunaluunniit suliaminnut isumaqarnersoq aalajangiinissamut nakkutilliinermut oqartussaasut piumasaqaatigisinnaavaat.

*Imm.* 2. Nakkutilliinermut oqartussaasunut ilaasortat aamma sulisut naleqquttumik kinaassutsimut uppernarsaammik takutitsinikkut qaqugukkulluunniit eqqartuuassisunit akuersissumik peqqaaratik, inunnut paasissutissanik suliarinninnermik suliaqarfiusunut, ininut tamanut isersinnaatitaapput.

**§ 42.** Suliarinninnermут suliaqarnerit pilersaarutaasut matumunnga inatsimmut akerliusinnaanerata ilimanaateqarnera pillugu qarasaasiами paasissutissanut akisussaasuusumut aamma qarasaasiами paasissutissanik suliarinnittartumut nakkutilliinermut oqartussaasut oqaaseqaateqarsinnaallutillu, suliarinninnermik suliaqarnerit matumunnga inatsimmut naapertuuttungortinnissaat imaluunniit utaqqiisaasumik imaluunniit toqqaannartumik killiliinissamik, ilaatillugu inunnut paasissutissanik suliarinninnerup inerteqquiginissaa pillugu peqqusisinnaapput.

*Imm.* 2. Manna inatsit malillugu nakkutilliinermut oqartussaasut aalajangigaat, ingerlatsinikkut oqartussaasunut allamut suliareqqitassatut tunniunneqarsinnaanngilaq.

**§ 43.** Inunnut paasissutissanik suliarinninnermут sunniutilinnik nalinginnaasunik inatsisink tunngavilimmik malittarisassiuermi, Qarasaasiами Paasissutissanut Nakkutilliivimmiit (Datatilsynet-imiit) oqaaseqaammik piniartoqassaaq. Paasissutissanik suliarinninnermут sunniutilinnik nalinginnaasunik inatsisink tunngavilimmik malittarisassiueq eqqartuuussiveqarfinit suliarineqartoq pineqarpat,

Eqqartuussiveqarfinnik              Aqutsisoqarfimmik              oqaaseqaammik  
piniartoqassaaq.

**§ 44.** Inuinnaat eqqartuussisulersuussisarnerattut matuminnga inatsimmik unioqqutitsineq pillugu apeqqummik nakkutilliinermik oqartussaasut eqqartuussisulersuussisinnaapput.

**§ 45.** Folketingimut, Namminersorlutik Oqartusanut aamma Justitsminister-imut, ingerlatatik pillugit, nakkutilliinermik oqartussaasut ukiumoortumik nalunaarusissapput. Nalunaarusiaq tamanut saqqummiunneqassaaq.

## Kapitali 21

### *Suleqatigiinneq*

**§ 46.** Pingaartumik pasissutissanik pisariaqartunik tamanik avitseqatigiittarnikkut, pisussaaffit naammassineqarnissaannut pisariaqarnera naapertorlugu, nakkutilliinermut oqartussaasut suleqataassapput.

**§ 47.** (Kalaallit Nunaannut atuutilersinnejassanngilaq)

*Imm. 2.* (Kalaallit Nunaannut atuutilersinnejassanngilaq)

*Imm. 3.* (Kalaallit Nunaannut atuutilersinnejassanngilaq)

## Immikkoortoq IX

### *Ingerlatitseqqiissutit, akisussaaffik aamma pillaatissiissutit*

## Kapitali 22

### *Ingerlatitseqqiissutit, akisussaaffik aamma pillaatissiissutit*

**§ 48.** Nalunaarsugaasoq imaluunniit taassuma sinniisua, nalunaarsugaasoq pillugu paassisutissanik suliarinninneq pillugu pineqartumut nakkutilliinermut oqartussaasumut naammagittaalliorssinnaavoq.

*Imm. 2.* Nakkutilliinermut oqartussaasut aalajangigaat, nalunaarsugaasumit naammagittaalliummik suliarinninnissamik ilaatinngisaat imaluunniit § 40, imm. 1, nr. 6-i malillugu ilisimatitsinngitsoorneq, nalunaarsugaasumit imaluunniit taassumunnga sinniisuusumit inuinnaat eqqartuussisarnerannik ilusilimmik eqqartuussiveqarfinnut tunniussinnaavai.

*Imm. 3.* Nalunaarsugaasup imaluunniit taassumunnga sinniisuusup, qarasaasiами paassisutissanut akisussaasuusup aamma qarasaasiами paassisutissanik suliarinnittartuusup matuminnga inatsimmik equuutsitsisimanera pillugu apeqqut inuinnaat eqqartuussisarnerannik ilusilimmik eqqartuussiveqarfinnut tunniussinnaavaa.

**§ 49.** Inuk kinaluunniit, unioqqutitsisumik suliarinninnernik suliat, imaluunniit matuminnga inatsimmut akerliusut allat suliarinninnerit suulluunniit malitsigisaannik pigisanik imaluunniit tigussaasuunngitsunik nalilinnik annasaqarsimasoq, taarsiissuteqarnissumut akisussaaffik nalinginnaasoq naapertorlugu qarasaasiами paassisutissanut akisussaasuusumit taarsiivigitinnissumut pisinnaatitaaffeqarpoq.

**§ 50.** Qarasaasiами paassisutissanik suliarinnittartoq namminersortoq, oqartussaasumut piginnaatitaasumut sullissinermi, suliarinninnerut atatillugu, § 22, imm. 2 aamma 3, § 23, imm. 2, § 27 aamma § 28, imm. 2 unioqqutikkunigit, imaluunniit § 42 naapertorlugu nalunaarutaasoq peqqusissut imaluunniit inerteqqut naammassingikkuniuk, pinerluttulerinermi inatsit malillugu pineqaatissinneqarsinnaavoq.

*Imm. 2.* Qarasaasiami paassisutissanut akisussaasuusoq, § 42 naapertorlugu nalunaarutaasumik peqqusissummik imaluunniit inerteqqummik naammassinginnngitsoq, akiliisitaassaaq.

*Imm. 3. Inatsit malillugu maleruagassani atulersitaasuni, pinerluttulerinermi inatsit malillugu, pineqaatissiisoqarsinnaavoq.*

*Imm. 4. Pinerluttulerinermi inatsimmi kapitali 5-imi maleruagassat malillugit, ingerlatseqatigiiffinnut il.il. (inatsisitigut akisussaasunut) pinerluttulerinermi eqqartuussinermi, akisussaaffimmik peqqusissuteqartoqarsinnaavoq.*

Immikkoortoq X

*Inaarutaasumik aalajangersakkat*

Kapitali 23

*Ilaatillugit atuutilersitsinermut aalajangersakkat il.il., inaarutaasumik aalajangersakkat*

**§ 51.** Politiinik, unnerluussisuutitaasunik, ilaatillugit sakkutooqarnermi unnerluussisuutitaasunik eqqartuussinermilu aqutsisunik, pinerluuteqarsimasunik isumaginnittunik aamma Politiit Naammagittaalliuutigineqarnerannut Oqartussat Arlaannaannulluunniit Attuumassuteqanngitsunik (Den Uafhængige Politiklagemyndighed-inik) sullissinermi, inatsimmut ilaatinneqartunik inunnut paasissutissanik suliarinninnermut pisuni immikkut ittuni maleruagassanik sukumiinerusunik pineqartoq minister-i aalajangersaasinnaavoq.

*Imm. 2. (Kalaallit Nunaanni atuutilersinneqassanngilaq)*

**§ 52.** Peqqussut atuutilissaq ulloq 1. januar 2023.

*Imm. 2. Justitsministerip aalajangissavaa qaqugu peqqussutip atuutilernissaa pinerluttunik isumaginnittoqarfimmi eqqartuussivinnilu. Ministerip aamma aalajangersinnaavaa peqqussutip pinerluttunik isumaginnittoqarfimmi eqqartuussivinnilu piffissani assigiinngitsuni atuutsinneqalernissaa.*

**§ 53.** 1. januar 2023-p kingorna aallarnisarneqartunut, aamma nalunaarsuutinut pilersinneqartunut inunnut paasissutissanik suliarinninnermut nutaamut naleqqiullugu inatsimmi §§ 25 aamma 26 atuupput.

**§ 54.** Isumaqatigiissutit allanngortinnejarnissaasa, taarsernejarnissaasa imaluunniit atorunnaarsinneqarnissaasa tungaannut, ulloq 6. maj 2016 sioqqullugu isumaqatigiissutaasut, nunani tamalaani isumaqatigiissutit malillugit, peqatigiit avataanniittumut nunamut aamma nunani tamalaani kattuffinnut nuussinerit, pisinnaapput.

**§ 55.** Kunngip peqqussutaatigut nr. 1283, 14. oktober 2016-imeersukkut Kalaallit Nunaannut atuutilersinneqartumi, kingusinnerusukkut allannguutai ilaatillugit inunnut paasissutissanik suliarinnitarneq pillugu inatsimmi nr. 429, 31. maj 2000-imeersumi, allannguutit tulliuttut suliarineqarput:

**1.** § 2, imm. 4, 2. imm., atorunnaarsinneqarpoq.

**2.** § 2-p kingorna kapitali 1-im ikkunneqarput:

»§ 2 a. Inatsisinik atuutsitsillutik oqartussat inunnut paasissutissanik suliarinnittarnerat pillugu inatsimmut ilaatinnejartumut suliarinninnermut, inatsit atuutinngilaq, taamaattoq tak. imm. 2.

*Imm. 2. § 32, imm. 4, § 41, aamma § 67 malillugit maleruagassat atulersinneqartut, inatsimmut matumunnga akerliusussaanngippat, inatsisinik atuutsitsillutik oqartussat inunnut paasissutissanik suliarinnittarnerat pillugu inatsimmut ilaatinnejartoq inunnut paasissutissanik suliarinninnermut atuupput.«*

§ 56 Peqqussutit inatsit malillugu atuutilersinneqartut Kalaallit Nunaannut atuutilersinneqassanngillat.

---

<sup>1</sup> Aalajangersagaq tulliuttunik oqaasertaqarpoq: »Inatsit Savalimmiunut atuutinngilaq, kisianni Savalimmiuni pissutsit apeqqutaatillugit allannguutit ilaatillugit naalagaaffimmik oqartussaasut paassisutissanik suliarinninnerannut kunngip peqqussutaatigut atulersinneqarsinnaalluni. Inatsit Kalaallit Nunaannut atuutinngilaq, kisianni Kalaallit Nunaanni pissutsit apeqqutaatillugit allannguutit ilaatillugit kunngip peqqussutaatigut atulersinneqarsinnaalluni.«

<sup>2</sup> Aalajangersagaq tulliuttunik oqaasertaqarpoq: » Inatsimmi §§ 1, 4-25 aamma 29 Kalaallit Nunaannut atuutinngillat, kisianni inatsimmi §§ 1, 4, 8, 14, 17, 18, 24 aamma 25 tamakkiisumik imaluunniit ilaannakuusumik Kalaallit Nunaanni pissutsit apeqqutaatillugit allannguutit ilaatillugit kunngip peqqussutaatigut Kalaallit Nunaannut atulersinneqarsinnaallutik.«

<sup>3</sup> Aalajangersagaq tulliuttunik oqaasertaqarpoq: » Inatsit Kalaallit Nunaannut atuutinngilaq, kisianni tamakkiisumik imaluunniit ilaannakuusumik Kalaallit Nunaanni pissutsit apeqqutaatillugit allannguutit ilaatillugit kunngip peqqussutaatigut Kalaallit Nunaannut atulersinneqarsinnaalluni.«